



**KENYATAAN MEDIA**  
ZAIRULSHAHFUDDIN ZAINAL ABIDIN  
KETUA PEGAWAI EKSEKUTIF ISLAMIC RELIEF MALAYSIA  
30 JULAI 2018

---

**GEMPA BUMI 6.4 MAGNITUD GEGAR LOMBOK**

---

**Bangi, 30 Julai** - Islamic Relief Malaysia (IRM) hari ini mengesahkan menerima laporan dari pejabat Islamic Relief Indonesia (IR Indonesia) berhubung insiden gempa bumi yang melanda Pulau Lombok pada 6.47 pagi, 29 Julai 2018.

Gempa bumi kuat berukuran 6.4 skala Richter itu mengorbankan 16 nyawa termasuk seorang warganegara Malaysia.

Ia dilaporkan berlaku kira-kira 50 kilometer ke arah timur laut bandar Mataram yang mempunyai populasi penduduk seramai 319,000 orang.

60 gempa susulan turut berlaku dengan jumlah terbesar yang direkodkan ialah pada magnitud 5.7 dan mengakibatkan 160 orang cedera manakala ribuan rumah mengalami kerosakan.

Ketika ini, IR Indonesia sedang berhubung dengan Ketua Agensi Respon Kecemasan dan Pengurusan Bencana Provinsi (ARKPBP), Tuan Agung dan Tuan Taqi daripada Konsepsi melalui telefon pintar bagi memperoleh keadaan semasa dan maklumat daripada pemerintah Indonesia.

Dua pasukan kini berada di lapangan diketuai oleh kakitangan IR Indonesia, Wahyu dan kini menuju ke gunung Rinjani untuk membuat penilaian bersama-sama dengan rakan kemanusiaan IR Indonesia, Konsepsi.

Satu lagi pasukan yang dipimpin oleh Masnawati akan bersiap sedia di Hospital Lombok untuk melihat keadaan semasa warganegara Malaysia yang dirawat.

Pusat komunikasi Islamic Relief (IR) telah diaktifkan dan semua kakitangan berada dalam kedudukan siap siaga dan bersedia memberi sokongan dan bantuan.

*(Sumber: Islamic Relief Worldwide)*

## **Mengenai Islamic Relief (IR)**

Diasaskan di United Kingdom pada tahun 1984, Islamic Relief Worldwide (IR) merupakan sebuah organisasi bantuan dan pembangunan amal antarabangsa yang bebas dan bukan berpaksikan politik. IR diiktiraf sebagai sebuah badan bukan kerajaan dengan status perundingan khas sejak tahun 1993 oleh Majlis Ekonomi & Sosial PBB (UNECOSOC). IR menyediakan bantuan kemanusiaan dalam pelbagai bidang termasuk bantuan kecemasan, pembangunan mampan sosial bersepadu (termasuk perubatan, pembangunan komuniti, pendidikan, kehidupan, tempat tinggal, psikososial) dan pengurangan risiko bencana. IR membantu mereka yang memerlukan tanpa mengira kaum, agama, jantina atau kefahaman politik tanpa mengharapkan sebarang balasan.

Sejak 1984, IR telah berkhidmat di lebih 45 buah negara dan mempunyai rangkaian tetap di lebih 35 buah negara merangkumi 100 buah cawangan di seluruh dunia yang bertanggungjawab untuk menyelaraskan, menjana dana dan melaksanakan program-program IR.

YABhg. Tun Dr. Mahathir Mohamad telah melancarkan penubuhan IRM pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjana dana (bagi projek antarabangsa & tempatan) dan pelaksana projek tempatan.

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu [www.islamic-relief.org.my](http://www.islamic-relief.org.my) atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

**MAYBANK ISLAMIC | 5621 4270 8704**

**CIMB ISLAMIC | 860 2073818**

**BANK ISLAM | 12 029 01 006564 3**

**AFFIN ISLAMIC | 10 671 000278 4**

**BANK RAKYAT | 11080 10000 35**

atau melalui :

**CHARITY SHOPPE | TUNAI / KAD KREDIT**

**MOBILE APPS | IR Malaysia**

Zairulshahfuddin Zainal Abidin

Ketua Pegawai Eksekutif, Islamic Relief Malaysia

- Tamat -

---

**Dikeluarkan oleh,**  
**Islamic Relief Malaysia (IRM)-Reg No: 657354-W**  
**A-05-1, Paragon Point, Jalan Medan PB5, Seksyen 9,**  
**Pusat Bandar, 43650 Bandar Baru Bangi, Selangor**  
Untuk maklumat lanjut, sila hubungi **Unit Media**  
di talian 03-8926 3434, faks 03-8925 3434 atau  
emel: [Malaysia.Media@islamic-relief.org.my](mailto:Malaysia.Media@islamic-relief.org.my)